



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Qui census sint priuato arbitrio constituti.

urn:nbn:de:hbz:466:1-29452

Secundò, sunt census humano arbitrio constituti, vt cùm aliquis dat centū florenos super fundum aliquem, id est, agrum, vineā, hortum, &c. vt quotannis venditor fundi restituat emptori quinquaginta aut sexaginta florenos secundū voluntatē & contractū, quos emptor ipse potuisset lucrari cum centū florenis suis: cōmisit autem venditori, vt is negotietur cū 100. florenis illis: & venditor restituit emptori quotannis tot florenos aut certos fructus. Hi contractus sunt liciti. Nam venditor posset totum fundum vendere, ergo & partem, & manet natura emptionis: saltem fundus talis sit, vt sustinere possit hoc onus, & quod seruetur in emptione mediocris æqualitas. Sic Ioseph emit regi omnes agros & fundos Aegypti Genes. 47. vt populus omnis de his fundis daret regi quintam partem fructuum, alias partes ipsi retinent ad suam necessitatem. Non est autem ibi usura, vbi supra mutuum nihil aliud sperare licet, Matth. 5. Sed est vera emptio, & sunt ibi substantialia emptionis, scilicet merx, precium, consensus. Tales igitur census nō sunt usura: & primum hoc interesse, quod habet emptor pro centum suis florenis in fundo vēditoris, non est iniustum, sed licitum, quia ibi est vera emptio, quam admittit Euangelium & approbat, sicut alias ordinationes politicas.

Tertiò, qui volunt iusta conscientia exigere census, idq; vt non lēdatur charitas proximi, & ne videatur locupletari velle detimento alterius in secundo interesse, oportet seruetur æqualitas & mediocritas, ita scilicet, vt sic fructus fundi exigantur secundū conditionem aut fertilitatem fundi vel agri, aut secundum quod fortuna venditoris contigerit, vt aēris intemperies, fulgura, diluuium, ignis, animalium & bonorum exitium, infirmitas ipsius venditoris, qui laborare non potuit, vt sunt varij casus infortuniorum qui accidunt. Quod si tunc emptor strictè & sine mode;

R

modē: